



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab Anno Christi 813. Usque Ad Annum 859

Fleury, Claude

August. Vind. [u.a.], 1760

VD18 90117867

§. 49. Rabani initia.

[urn:nbn:de:hbz:466:1-66103](https://nbn-resolving.org/urn:nbn:de:hbz:466:1-66103)

Sæculum IX. bant Episcopi, quia homicidas ad solven-
 A. C. 822. das multas pecuniarias a potestate sæ-
 culari compelli oportebat.

Id igitur ipsis anno octingentesimo vigesimo secundo concessum, tuncque iidem Articuli, quantum spectat ad multas pecuniarias sine mentione poenitentiae Canonicae, renovati. Et addidit Imperator: *Si quis huic Decreto non obediat, non tantum Sententiae Canonicae subjaceat, sed etiam Beneficium (id est Feudum) in Regno nostro tenere non possit, & ejus Allodialia (id est Bona propria) Fisco nostro addicantur. In carcere detineatur, usque dum Ecclesiae praecipis satisfecerit.* Proceribus hoc Decretum approbantibus, & subscribentibus, Ecclesiastici Hymno *Te Deum Laudamus &c.* decantato Deo Gratias egerunt.

§. XLIX.

Rabani initia.

Mabill. Act.
to. 6. p. 20.

Sancto Eigilo Abbate Fuldensi fatis functo successit Rabanus, natus Moguntiae anno circiter septingentesimo septuagesimo sexto, a prima aetate Monasterii Fuldensis Alumnus. Anno octingentesimo primo Diaconus ordinatur, & anno sequente ab Abbate suo cum alio Monacho, nomine Hattone, Turonem mittitur, ut liberalibus Disciplinis & Scri-

Scripturæ scientia imbueretur Præcepto- Sæculum IX:
 re Alcuino, qui Rabanum cognomento A.C. 822.
 Maurum appellavit pro more virorum

eruditorum illius ætatis, nomini suo barbaro nomen latinum conjungentium. Rabanus Turone redux præfuit Scholæ Fuldensi illo ævo celebratissimæ. Bibliothecam locupletem habebat Schola illa, ex qua Doctores celebres in totum orbem Christianum prodierunt; nam inter Rabani Discipulos memoratu digniores sunt Walafridus Strabus, postea Abbas Augiæ divitis, Lupus, postea Abbas Ferrariensis, Rudolphus, qui Magistri sui vitam scripsit, Odfridus Presbyter & Monachus Weissenburgensis prope Spiram, qui Evangelia in Linguam Teutonicam transtulit. Rabanus Presbyter ordinatus anno octingentesimo decimo quarto factus est particeps persecutionis, quam Monachi Fuldenses sub aspero Abbate Ratgaro passi sunt, quippe ille, quod erat Rabano carissimum, nempe libros, subtraxit & commentarios ab ipso conscriptos ad juvandam memoriam & ea quæ a Magistris audierat, facilius retinenda. Inter illas turbas profectionem ad Terram Sanctam suscepisse creditur. Pace sub Abbate Eigilo redeunte, Rabanus iterum munus docendi subiit. Tum Eigilo defuncto Abbas Fuldensis eligitur, quod Monasterium

Sæculum IX. annos viginti rexit. Tunc illa Congregatio centum quinquaginta Monachos numerabat, nec alio unquam tempore magis floruit. Rabanus maxima sollicitudine Regularem Disciplinam custodivit, plures ædificavit Ecclesias, & magnam Reliquiarum vim Roma afferri curavit, quod tanti momenti res visa est, ut Rudolphus nihil ferme aliud in ejus vita enarret. Rabanum Reges & Imperatores maximi æstimarunt, unde factum, quod rem œconomicam Monasterii plurimum auxerit. Tandem litterarum studia egregie coluit, & Abbas electus aliis quidem, uti Candido Monacho, provinciam docendi artes liberales injunxit, at munus explicandi Sacram Scripturam sibi reservavit.

§. L.

Corbeja nova fundatur.

Corbeja nova quoque illo circiter tempore in Saxonia fundata multorum magnorum Virorum & Sanctorum Episcoporum Seminarium fuit. Caroli Magni perspicacitatem non effugerat, ad Religionem Christianam in illa provincia bello subacta stabiliendam necessario fundanda esse Monasteria, atque eo consilio multos de Gente Saxonum adolescentes in plures Abbatias Franciæ miserat sub Disciplina Regulari educandos, præser-